



## Universitätsbibliothek Paderborn

**Opera Mystica V. Ac Mystici Doctoris F. Ioannis A Crvce  
Primi Religiosi Discalceati Ordinis B. V. M. De Monte  
Carmelo Et Seraphicæ Virginis Theresiæ fidelissimi  
coadiutoris**

**Juan <de la Cruz>**

**Coloniæ Agrippinæ, 1639**

Cap. 4. Quarta & præcipua propositio elucidatur, Sanctorumque Patrum,  
ac illustrium Doctorum testimonij comprobatur.

**urn:nbn:de:hbz:466:1-37873**

## CAP V T IV.

QVARTA, ET PRÆCIPVA PROPOSITIO elucidatur, Sanctorumque Patrum, ac illustrium Doctorum testimonij comprobatur.

**A**CCEDAMVS iam ad quartam, & præcipuam propositionem, quam non in uno dumtaxat loco, sed in multis docet Myticus noster Doctor, & ideo eius verba formalia non referemus, sed solum doctrinam, quam saepè repetit, quaque in ipso præcipue notata est, proponemus. Afferit igitur saepè Venerabilis noster IOANNES, quod in sublimi contemplatione, anima non operatur ex se, cum sibi patitur, sed quod in illa Deus intelligentiam, & spiritualem saporem operatur, & quod ipsa spiritus habet ad hanc intelligentiam à Deo recipiendam, ita enim habet lib. 2. Ascensius Montis Carmeli cap. 15. & in eodem lib. cap. 31. & in lib. qui inscribitur, Flamma Amerina, Cant. 3. v. 3. §. 6. & 7. & alibi saepè, qua etiam de causa huiusmodi contemplationem appellat, otium, & rerum obliuionem, ut videre est lib. 2. citato Ascens. Montis Carmeli cap. 14. & citato §. 6. & 7. in quo etiam loco afferit tunc spiritum annibilari, ac tandem eandem contemplationem appellat, somnum, & ignorationem, ut cernere licet citio capit. 14. libri secundi Ascensus Montis Carmeli, quibus & similibus locutionibus alijs etiam in locis vtitur.

Circa huius propositionis, & locutionum quæ in ea continentur elucidationem, ut consuetum ordinem seruemus prius verum, & legitimum earum sensum doctrinæ Catholicæ, ac Sacrae Theologie, in omnibus conformem, ex ipsiusmet Mythicis nostri Doctoris, doctrina & testimoniis euidenter ostendemus, postea vero eandem propositionem, & locutiones non solum, quoad earum sensum, sed etiam quod in nomine verborum, & quoad loquendi modum communis Sanctorum Patrum illustriumque Doctorum calculo comprobabimus.

## §. 1.

*Erroneus Illuminatorum sensus à predictis Mysticis nostris Doctoris locutionibus, pluribus, & manifestis evidenter exclusus, & Catholicus eius sensus comprobatur.*

**I**n primis igitur nullatenus in predictis locutionibus intendit Myticus noster Doctor in illa sublimi contemplatione dari cessationem ab omni acta intellectus, & voluntatis, nec ipsum intellectum & voluntatem taliter passiuè se habere, ut nihil vitaliter operetur, si enim ipsam loca, quæ in hac propositione referuntur, plura alia inspiciantur, euidenter constabit nunquam ipsum hæc assertisse, sed potius omnino oppositum expressè docuisse.

Vnde

Vnde, ut ex eisdem locis, quæ in oppositum notantur, id manifestè demonstramus, in loco illo citato ex cap. 14. lib. 2. Ascens. Mont. Carm. sic loquitur: *Quamobrem hac oratio breuissima apparet anima, quia perfecta est in intelligentia, pura.* Et post pauca subiungit: *Quia Anima in quadam celesti intelligentia unita est.* & paucis interpositis iterum dicit: *Vnde licet videatur anima in hac notitia constituta, nihil se prosum facere, neque se re aliqua esse occupatam, eo quod sensuum operatione non vivatur: credat tamen, nequaquam se tempus otiose transfigere; quamuis enim potentiarum anima harmonia cesseret, ipsius tamen intelligentia ad eum se modum habet, sicuti expositum.* Et idcirco sapiens sponsa, tacita sua hac de re obiectione respondet dicens: *Quamuis dormiam ego secundum id quod naturaliter mihi competit, ab operatione desistendo; meum tamen cor vigilat supernaturaliter, ad nouum supernaturaliter elevatum,* &c. Ecce qualiter lapè in hoc loco exprelse repetit dari in hac sublimi contemplatione actum intelligendi supernaturalem; deinde in alio loco etiam in oppositum adducto, videlicet in capit. decimo quinto, eiusdem libri secundi, id ipsum exprelse declarat, sic inquiens: *In istū principiis, quando ex allatis indicijs, iam cognoverimus animam minime quiete illa seu notitia occupatam esse, omnino discursu viti oportebit eam, donec acquirat habitum (de quo tam locutus sumus) aliquo modo perfectum: tunc autem erit habitus iste acquisitus, quando quotiescumq[ue] meditari voluerint, confessim se sentiant in ista pacis notitia constitutor, absq[ue] eo quod meditari possint, neq[ue] voluntatem ad meditandum flectere.* Et post pauca subiungit: *Ita ut plures se inueniant anima in ista amoroosa vel pacifica assistentia, nihil (vt declaratum est) potentij operando: qua pacificanotitia obtenta non discurrat, nec laborat iam potentij anima, tunc enim verius dici poterit, intelligentiam & suavitatem in ea quasi passiuē se habente, fieri seu produci, quam quod ipsamet aliquid operetur, sed solummodo ut attentionem cum amore habeat ad Deum animam &c.* Et paulo inferius iterum sic subiungit: *Discat spiritualis cum amoroosa ad Deum aduentitia, cum intellectus pace permanere dum meditari nequit, licet illi se otiosum esse videatur; hoc quippe modo sensim, & valde cito anima sua diuina requies & pax, cum admirandis & sublimibus Dei notitiis amori diuino involutis, infundetur, &c.* In quibus testimonij exprelse docet dari in hac sublimi contemplatione notitiam, que a Etium intellectus potentia denotat, quo actu deficiente ad alios discursuos recurrentium esse statuit; atque adeo vitiosum illud otium, &c quietem absque ullo potentiarum actu, prout ab hereticis, qui Illuminati dicuntur statuit, & exercetur, evidenter excludit. Quod etiam aperte declarat, dum afferit in praedicta contemplatione, in qua potentiarum operationes videretur excludere, dari amorosam assistentiam, necnon & attentionem ad Deum cum amore coniunctam, hæc enim omnia a Etium potentiarum, attentio videlicet a Etium intellectus, amor vero a Etium voluntatis manifestè constituunt: & ideo nec apparenter predictum vitiosum otium adhuc ex vi eiudem testimonij quod in oppositum adducitur, potest Mysticō Doctori nostro imputari, cum potius ex eo evidenter excludatur & reprobetur.

Deinde in alio etiam loco in oppositum adducto, scilicet capite trigesimo primo libri secundi Ascensus Montis Carmeli, id ipsis evidenter etiam docet, sicut enim habet: *Quantum ad hec verba accinet, nihil est quod agat anima, aut ex seipsa tunc velit, nec conetur, sed humilem se dumtaxat, & resignationem illius exhibeat, liberum suum assensum Deo prebendo &c.* Ecce qualiter exprelse statuit a Etium liberi consensus ab ipsa anima explicitum, atque adeo falsum illud Illuminatorum otium manifeste excludit.

Præterea in alio loco in oppositum etiam adducto, ne tempore libri inscripti, Flamma amoris via, Cantic. tertio, §. sexto, & septimo, hanc eandem doctrinam expresse statuit, sic inquiens de statu sublimis, & quietæ, atque otiose contemplationis, in quo anima à Deo constitui solet. Tunc autem debet etiam anima *solum amoresa ad eum aduentia*, seu attentioni intenta esse, nullos alios distinctos exprimendo producendoque actus, prout ut ad quos se sentit ab eo stimulari & inclinari, velut passim se dumtaxat gerendo, sublimaque exhibendo industria; sed cum amorosa, simplici, sinceraque manendo aduentia, ita in inferno sum aduentia & attentione amoris aperit oculos. Nam cum Deus tunc tradicet cum anima quantum ad dandi modum spectat) per notitiam sinceram & amorosam; debet etiam anima agere, non quantum ad receptionis modum attinet, per notitiam sinceram & amorosam; vt hoc patet notitia cum notitia, & amor cum amore connectatur &c.

Ecce qualiter in illo orio notitiam ab intellectu contemplantis elicita, nec non, & attentionem, seu aduentiam, quæ in actu intellectus consistit, insuperque statum amoris à voluntate elicita, exprimere statuit, eoque ipso falsam illam otiositatem, actuunque omnium suspenzionem, quam heretici docent, expresse excludit.

Insuper in eodem lib. Cant. i. vers. 1. loquens de sublimi illo statu transformationis in Deum, sic inquit: Vnde in hoc actu illo statu nequit anima istos producere actus, nisi à spiritu sancto peculiarissime moveatur; quamobrem etiam cuncti ipsius actus, in quantum hoc singulari modo à Deo excitantur, sunt diuini. Vnde etiam quotiescumque flammescit ista flamma, facit illam cum suavitate ac temperamento diuino amare; ritam sibi sempiternam, que tam ad diuinam eleuat operationem, conferri arbitratur.

In quo testimonio evidenter constituit actu elicitos ab ipsa anima in illo sublimi statu actualis contemplationis, & transformationis in Deum, eodemque actu asserit esse summè meritorios, quæ omnia illuminatorum erroribus direcione aduersantur, & ideo tantum absit, vt cum eis doctrina haec aliquatenus consentiat, ut potius sit eis omnino opposita.

Sed ibi de hac re optimè, & clarissime, ac simul tanquam Mysticus, Scholasticus Doctor locutus fuit, & in eodem Cant. i. vers. 3. sic inquiens: Et quoniam anima natura liter industriaque sua nihil absque corporei sensus interuenit & opera valet operari, à quotidaneo praesenti casu liberissima est & remotissima; hinc est, vt vniuersa ipsas occupatio nihil aliud sit, quam à Deo dumtaxat recipere, quis solus in fundo seu centro anima, absque sensu adumento eam mutuere, in eaque operari potest, quare vniuersi huiusmodi anima motus diuini sunt; & quamvis à Deo proueniant, etiam ipsius anima sunt; effici siquidem eos Deus in illa cum illa ascensum voluntatemque suam præbente &c.

Tandem aliud testimonium ex lib. 2. Ascens. Montis Carmeli cap. 13. ubi id ipsum expresse explicuit adducemus, ibi enim constitutus signum, quæ quis in se ipso reperiatur, debet, vt auctus discursu suo relinquit, & ad hanc sublimem contemplationem perveniat, sic inquit: Tertium signum, idque magis certum est, quando liber animus solam manerit, cum attentione ad Deum amorosa absque alia particulari consideratione, in quadam interiori part, quiete, ac requie, absque actibus & exercitatione saltuum discursu (qua ex uno in aliud fertur) posse

tiarum, Memoria, scilicet Intellectus & Voluntatis; sed solum quod maneat cum notitia & aduentia generali, & amorosa de qua locuti sumus, absque particulari intelligentia &c. Huius signi necessitatem post pauca assignans, sic subiungit: Nec etiam satis est, primum & secundum indicium in se animaduertere, nisi simul videat & tertium. Quamvis enim cernat, non posse se discutere, neque de rebus diuinis meditari, neque etiam libeat illi de alijs diuersis rebus cogitare, posset hoc ex Melancholia promanare, vel aliquo depravato humore, qui cerebrum corque occupat, quique solet producere in sensu suspensionem, & impletionem quandam, qua sufficienti, nihil cogit, nihil velit, nec libeat illi aliquid meditari, sed solum in illa sapida abalienatione ecupiat permanere: Contra qua omnia debet tertium habere indicium, videlicet notitiam & attentionem amorosam in pace & tranquillitate interna, sicuti diximus. &c.

Et postea cap. 14. sequenti eiusdem signi necessitatem iterum assignans sic agit: Veruntamen adducemus nunc unam solum rationem, qua manifeste demonstremus, quo modo in euentu quo Contemplatio praetermissa sit meditationis via, nec sarium illi sit, hoc aduentus amorosa, ac generalis Dei notitia indicium. Est autem haec ratio, quia si anima tunc temporis, ista notitia vel in Deum assistentia desitueretur, sequeretur nihil illam tunc agere aut habere, & necessario illi uniuersum circa Deum exercitium deesset, cum anima nulla ratione posset operari, nec aliquid in se recipere, nec in eo ad quod operando deuenit, perseverare, nisi per ista duo potentiarum genera sensituarum nempe, & spiritualium; nem medijs sensitius potens, ut diximus potest illa discurrere, inuestigare, & notitias obiectorum producere; medij autem spiritualibus potentij, potest frui notitiarum, in ista potentij iam receptarum, obiecto, fine eo quod amplius ipsa laborando inuestigando, vel discurrendo operentur. Et sic discriminem quod inter anima exercitium per potentias sensitivas, & eiusdem exercitium per potentias intellectivas intercedit, idem est, quod inter operantem & fruentem opere iam perfectas, vel certe illud, quod est inter aliquid recipientem, vel fruentem rebus iam receptis; vel illud, quod est inter via laborem & quietem, qua in via termino reperitur; denique velut illud quod inter cibos preparantem, vel iam preparatos edentem & gustantem. Quod si anima in nullo istorum exercitorum detineatur, hoc est, nec in meditatione, & discursu, potentiarum sensituarum operatione vivatur; nec in Contemplatione & notitia simplici, de qua iam dictum est, rebus iam receptis & operatione acquisitiis fruatur, sed in virtus que otiorum & vacaret, non effet unde vel quomodo posset dici occupata. Est ergo hec notitia necessaria ad discursum & meditationem relinquendam &c.

Quod testimonium ideo sic ad longum retulimus, quia in eo non solum sepe, & expresse docet reperiiri in illa contemplatione sublimi actus ab ipsa anima elicitos, sed etiam, quia expresse damnat suspensionem omnium actionum, & vitiosam illam otiositatem, quam heretici constituant, docetque, quod cessante huiusmodi acta simplicis, & amorosa notitia, statim recurrentum est ad alios actus discursuos, ne anima suspensa, & vitiose otiosa remaneat, ac tandem declarat optimè, in quoniam sensu tunc anima ex se non operari dicatur.

Plura alia testimonia ex libris Mystici nostri Doctoris desumere possemus ad id ipsum ostendendū, sed ea, quæ adduximus, satis superq; ostendunt nullatenus eius do-

B.  
Johannis  
a Cruce

Opera  
Mystica

IV

124

116

### ELVCIDATIO THEOLOGICA

Etinam aliquo modo suffragari erroribus Illuminatorum potentiarum omnino-  
dam suspensionem , & omnium aetuum parentiam, vitiosamque proinde otium-  
tem in contemplatione statuentes, imo potius errores hos evidenter excludere , &  
damnare in eisdem locis in quibus otium, & quietem contemplationis statuit. Vide  
haec tenus dumtaxat possent praediti Illuminati Mystici nostri Doctoris aliqui re-  
stima in suorum errorum patrocinii adducere, quarenus eo modo quo scriptu-  
rae testimonij malè citatis abutantur, possunt etiam eius testimonij abuci, captio-  
ndo, scilicet, aliqua verba hinc inde diuisa, & ab antecedentibus, & subsequentiis  
separata, nullaque significationis, sed soni dumtaxat verbalis ratione habita , quod  
hereticorum ingenium, & morem esse in referendis, tam Scripturis sacris, quam alijs  
testimonij Sanctorum Patrum, & illustrium Doctorum, supra in prima parte huius  
Elucidationis capite tertio, fuse ostendimus, & ideo ex huiusmodi hereticorum ab-  
usa nihil amplius contra hanc doctrinam, quam contra Scripturam factam, Sando-  
rumque Patrum libros argui potest.

Cum igitur ostensum sit, nullatenus Mysticum nostrum Doctorem in praedictis  
locutionibus fauere erroribus iam relatis Illuminatorum, sed potius illis aduersi,  
atque adeo in longe diuerso sensu otium, quietem, somnum, annihilationem, bles-  
sum, obliuionem, operationem cessationem, seu suspensionem, passionis haben-  
di modum, similesque locutiones protulisse, superest modo, ut ex eiusdem doctrina  
verum hunc, ac legitimum earum sensum declareremus, Sanctorumque Patrum, ac il-  
lustrium Doctorum auctoritate muniamus.

S. II.

### Verus sensus predictarum locutionum multipliciter declaratur:

12.

**E**x multiplici itaque causa meritorum Mysticus noster Doctor, & alij Sancti Patres,  
Eac Doctores Catholici (quorum testimonia infra referemus) afferunt in hac-  
quali contemplatione operationes potentiarum cessare, atque adeo dari iunctio-  
nem, somnum, silentium, rerum obliuionem, quietem, spiritus annihilationem, a proprio  
utique operandi modo, ac tandem animam tunc passiuem se habere. Primo vellet,  
quia tunc intellectus, & voluntas non operantur modo sibi connaturali, neque  
medijs actibus discursu, & imaginibus rerum corporearum, nec ex propria vel in  
industria, arte, & inquisitione, sed supernaturali modo, & spirituali Spiritus Sancti  
mitione respectu cuius passiuem se habent, cum eam recipiunt. Quem sensum ei-  
videnter expressit Mysticus noster Doctor in testimonij iam citatis, & alij similibus  
in quibus dum afferit potentias non operari, scepere addit particulam illam: Di-  
fuso, vel tanquam suum; vel de sua industria. subiungitque operari, modo divino, quod re-  
rissimum esse dubitari non potest, & hanc causam sufficientem esse ad hoc, ut pre-  
dictae locutiones proferantur, docent (prater Sanctos Patres, quorum testimonia  
infra referemus) plures alij Doctores, qui hac de causa eas locutiones approbant.  
Vide citatus Antistes Frater Bartholomaeus a Martyribus 2. parte compendij cap.  
11, § 2. hanc causam assignans, sic inquit: Et quamvis hac feruens dilectio elicetur à voluntate,

dicitur

dicitur tamen passiva, quia ad illam non excitat voluntas se ipsam, velut ad primam, sed immediate excitatur a Deo fortiter, &c. Et cap 13. §. 3. de ijs, qui huiusmodi contemplatione afficiuntur, sermonem instituens sic habet: Similes namque sunt parvulo matrem amplexanti, ubera sagenti, qui plerumq; nihil videt, aut audit, aut saltim se videre, & audire non iudicet, experimentalis solum delectatione, & latitia occupatus, pars est affectualis cognitio Theologorum Mysticorum delitijs affluentium super dilectum suum, &c.

Eandem causam assignant, & approbant, pro vnu predicatorum locutionum Germanorum tractatu de Dilucidatione Mytifica Theologiae, consideratione 11. Suarez tomo 2. de Religion. lib. 2. de oratione cap. 12. specialiter num. 18. ibi: Est ergo vitalis illa passio, unde non est sine intellectus, vel voluntatis efficientia, denominatur autem potius passio, quam actio, quia principalis motor, ibi est Spiritus Sanctus, qui animam tuum agit per specialissimum auxilium internum, per dona sua, & non tantum per ordinarium modum operandi virtutibus accommodatum. Docent etiam Venerabilis ille vir Pater Balthasar Aluarez, ut in eius vita refert Pater Ludouicus de la Puente cap. 14. §. 1. noster Ioannes a Iesu Maria de Mytica Theolog. cap. 7. noster Thomas a IESV lib. 5. de contemplatione cap. 13. noster Hieronymus a Matre Dei in annotationibus ad cap. 6. libri Sanctae Matris nostrae THERESA, qui inscribitur Conceptus amoris duxit, quem super Cantico scriptus. Pater Antonius Suequet de via vitae & ternae lib. 3. cap. 16. de contemplatione. Arias in lib. de profectu spirituali tractatu 5. de oratione mentis cap. 19. Molina Carthus. tractatu 2. de oratione cap. 7. Magister Ludouicus Legion. in annotatione marginali ad cap. 12. vita Sanctae Matris nostrae THERESA, noster Didacus a IESV, in annotationibus ad librum Mytici nostri Doctoris, discursu primo, phrasis secunda & quarta, Magister Basilius Legionensis in Defensorio iam citato, propositione tercia, Albarado tomo primo, artis bene vivendi libro secundo, cap. 39. num. 14. & plures alij.

Secunda vero ratio ob quam Venerabilis noster IOANNES, alijq; Doctores Mysticci, necnon & Sancti Patres infra refendti, merito predictis locutionibus vni fuere, est quia illud solum operari videtur anima, quod operatur cum difficultate, vel labore, & quia in sublimi hac contemplatione sine labore, & difficultate, sed potius cum summa suavitate & delectatione mens operatur: ideo merito tunc nihil agere dicitur, sed potius a Deo suavitatem illam, ac dulcedinem recipere & pati.

Sensem hunc declarauit D. Augustinus libr. de quantitate animae cap. 33. ibi. Fieri potest ut haec omnia simul agat anima, sed id solum fieri agere videtur, quod agit cum difficultate, aut agit cum timore, &c. Quod etiam optime explicuit noster Ioannes a IESV Maria c. 6. Myticae Theologiae sic inquiens. Afferendum, non pro�us deficere potentiarum actus in ea caligine diuina, sed esse actus adeo tranquillos, & suaves, ut cum alijs incitatis actibus, quos paulo ante haec potentiae proferebant comparati, eandem proportionem habere videantur, quam elatus sermo habet, cum voce valde summis, qua si quis utatur iuxta cœnobiticam disciplinam, silentium dicitur observare, que sane responsio captu facilis est, quippe tunc Deus animæ amantissime blandiens, tam celesti suavitate eam ad intelligendum, & amandum permouet, ut ipsa non se agere, sed suavissime duci, & quasi erumpentes ultra a potentij actus non tam

B.  
Iohannis  
a Cruce

Opera  
mystica

NV

124

118

ELVCIDATIO THEOLOGICA

producere, quam pati videatur, & hæc fortasse est illa insignium Heroum passi, quam Hieroteus sustinebat: qui doctus fuisse assertur non solum dicens, sua scientia, verum & patiens divina, & iuxta hunc dicendi modum responderi debet ea potestas diuinam caliginem ingressas, non ita silere, ut nihil omnino agant, sed intellectum altissima, & tranquillissima contemplatione, voluntatem suavissimam fruovere possit, at hæc in unione Mystica tam sedate tranquilleque fieri, ut potentia silere, hoc est tam suauis Dei intrus agentis actione fieri videantur, ac si propterea nihil agerent, sed ab alio productos aeternis tantummodo reciperent.

16. Eundem sensum declaravit noster Thomas à IESV, lib. 5. de contemplatione capite 13. ibi: Stabilendum est in hac Myistica, ac supereminens anima cum Deo resuens, tunc simul Dei altissimam cognitionem sive contemplationem, qua licet non ab omnibus, quibus una patiuntur, sentiantur, tum propter vehementem amorem, & declarationem, quia illam supereminenter anima cum Deo resuens, & amplexum comitantur, quibus ita anima munus absorbetur, & ab alijs absrabilitate operationibus, ut nulla ratione supra se ipsam, vel supra potentiarum actus valeat reflecti. Iuxta quem etiam sensum predictas locutiones explicat, & approbat Magister Basilius Legionensis in Defensione cit. propria, num. 16.

17. Quod autem in hac sublimi contemplatione, mens sine labore, sed cum magna delectatione operetur, docent D. Thomas 2.2. quæst. 180. artic. 7. D. Augustinus lib. 12. de Genes. ad literam serm. 27. de verbis Domini, lib. de correctione, & gratia cap. 2. & lib. 10. confes. cap. 40. D. Hieronymus in regula Monastica cap. 26. Reductus tractatus de gradu violentæ charitatis, Gregorius lib. 2.4. moral. cap. 5. & homil. 14. in Ezech. D. Bonavent. itiner. 6. æternitatis, distinctione 1. Sancta Mariana Theresia cap. 17. sua vita, ibi: In tam sublimi erationi gradu in quo confunditur, intelligit hoc se sine villa intellectus desatigatione facere, nisi quod hic meo iudicio velut confessus hereat, apud se considerans quam bene Dominus hortulanus partis expletat, dum novit in hoc labore nullum subire, sed dum taxat florum, iam redolere incipit, ut odore sese obicit. Myстicus noster Doctor lib. 2. Ascesis Mont. Carmel. cap. 14. ibi. Quamobrem sicut ac sibi in oratione constituerit (in statu illius, qui aquam ad bibendum in promptu habet) suam sibi bibit aequaliter: nec indiget amplius praterit aram consideracionum, formarum, ac figurarum aqueductibus &c. Et capit. 15. sequenti ibi: Quia pacifica quietia obiecta, non dispergit, nolaberat iam potentias anima, tunc enim verius dici poterit, intelligentiam & suavitatem inter quæ pessime se habente fieri, seu produli, quam quod ipsamet aliquid operetur; sed solummodo istud incumbit, ut attentam cum amore habeat ad Deum animam, &c. Et citato cap. 14. id epis. comparationibus explicuit, inquiens, quod inter aeternis discursuos, & actiones huius quietis contemplationis: Est idem discrimin quod est inter operem & frumentum operi iam perfecto; vel quod est inter via laborem & requiem, que in via termina reperitur, vel illud quod est inter eibos preparantem, vel iam preparatos edentem, & gustantem. Taulerus cap. 12. insit. Gerlon cap. 8. de Monte contemplationis, ac denique communites carnes, qui de contemplatione differunt.

Hac ergo de causa merito tunc anima nihil operari dicitur, quamvis reuersa operationem naturalem, tam intellectus, quam voluntatis, ac valde cleuatam magis

voluptate, & delectatione eliciat, imo adhuc in communi nostro loquendi modo, cum aliquid sine labore, sed cum magna voluptate efficimus, dicere solemus, *Ego nihil ego hac in re.*

Tertia deinde ratio, propter quam *Mysticus noster Doctor*, aliquae Sancti Patres, ac Doctores *Mystici prædicti* locutionibus vntuntur, est, quia in hac sublimi contemplatione mens supra suas operationes non reflectitur, nec intelligit se operari: quoties enim sine hac reflectione operamur, facile operationis nostræ obliuiscimur, imo, & videtur nobis nihil nos operari, vt docuit Phil. lib. 1. de memoria capite 1. & D. Thomas 3. part. quæst. 83. art. vltimo ad 5.

Quod autem mens in hac sublimi contemplatione sine huiusmodi reflexione operetur, docet S. Mater nostra THERESA cap. 16. sive ritæ ibi. *Vult Dominus, ita hic hortulanum adiuuare, ut ipse quodammodo hortulanus sit, & quidquid faciendum est, faciat. Eſt quidam potentiarum anime somnus, ut quæc penitus perduntur, nec, quid agant, intelligent, &c.* Et in lib. qui inscribitur, *Conceptus amoris Dei &c.* cap. 6 explicans illa verba Cant. 2. introduxit me Rex in cellam vinariam, ordinavit in me charitatem, sic inquit: *Verum quoque est, quod ne ad amandum quidem sese excitaram intemperie. Sed obratum somnum, terfaelicem ebrietatem, quæ sponsum eo suplere agit, quod anima per se ipsa præstare non potest;* dum scilicet mirabiliter quodammodo ordinat, ut omnibus potentias mortuus aut dormitantibus, amor maneat viuus, & ipsomet non intelligentem quomodo operetur Dominus ordinet, ut tam mirabiliter operetur, ut cum ipso amoris Domino, Deo inquam, rnum quid factus sit &c. Quod in eodem cap. saepè repetit.

Id ipsum docet Venerabilis noster IOANNES citato cap. 14. lib. secundi Ascens. Montis Carm. ibi: illud tamen alta mente hoc loco perpendendum est, notitiam banc de qualo-  
quimur, generali, esse aliquando adeo subtilem, ac delicatam; (preferim quando ipsa in se est purior, simplicior, perfectior, spiritualior & intimior) ut anima, quam occupat, minime illam animaduertat, neque percipiat &c. Quod in eodem cap. & alibi saepè repetit, specialiter vero in lib. qui inscribitur, *Flamma amoris vita &c.* Cant. tertio, versiculo 3. §. 6. ibi: *Quod cum ita contigerit, ut nini: um sentiat se anima in silencio & auditione collocari; amor etiam de qua locutus sum aduentus simplicissimæ esse debet,* absque sollicitudine seu reflexione aliqua: ita ut quasi oblitus sit illius, ut tota auditioni inhibet: ut haec ratione libera remaneat ad id, quod tunc ab ea requiriatur.

Consonat circatus Bartholomæus à Martyribus c. 13: compendij spiritualis §. 3. ibi: *Similes sunt parvulus matrem amplexanti, ubera fugienti, qui plerumque nihil vident, aut audit, aut saltum se videre, & audire non iudicant.* Id ipsum docet Suarez tom. 2. de Religion. lib. 1. de oratione capite 4. numer. 7. & lib. 2. cap. 1; numero 24. ibi: *Cogitatio de ipsomet Deo melius coniungitur cum ipsius amore, quam cogitatio, vel cognitio ipsius amoris, nam hac est cogitatio rei creatae, que per se non conductit ad aliam amorem, immo contingit, ut cum anima fertur in Deum per amorem si occupatur circa se ipsam, & circa suos actus, quasi reflectendo supra illos, & cogitando quid agat, distractatur, & sepecat in amore Dei, &c.*

Idemque docent Basilius Legionensis, & noster Thomas à IESU locis citatis, Aluarado tom. 1. lib. 2. cap. 43. & numer. 6. Magister Luisius Legionensis in Apologia pro libris S. Matris nostræ THERESIÆ, vbi eiusdem sanctæ locis id ipsum.

ipsum ostendit. Pro quo etiam facit illud, quod refertur de Sancto Abate Isat, quod scilicet s̄epe perpendere solebat illam magni Antonij sententiam assertori, non esse perfectam orationem illam, in qua Monachus suam cognoscit orationem.

Propter hunc ergo reflexionis defectum s̄epe asserunt Doctores Mystici, & cum eis Venerabilis noster LO ANNES, eum, qui hac perfecta contemplatione afficit, non operari, id est, nequaquam scire, aut aduertere se operari, s̄uæque operationis obliuisci, imò illam profligare, sibique videri esse sine operatione, quod etiam s̄epe in nobismetipsis, quoties sine hac reflexione operamur, experimur.

22. Quarta tandem ratio, propter quam meritò Mysticus noster Doctor, alijque Sancti Patres, & illustres Doctores predictis locutionibus vni faere, est, quia in sublimi illa contemplatione, quamvis anima actum cognitionis, nec non, & amoris ad illum sublecuti verè eliciat, quia ramen per viam negationis, seu remotionis procedit, cognoscendo, scilicet, non Quid Deus sit, sed quid non sit, quæ est illa altissima caliginosa cognitionis, de qua supra in Elucidatione secundæ propositionis differimus, quamque Diuus Dionysius, & alij Mystici Doctores præcipue suadent, idè potius ignorare, & operationibus cognoscitius carere, quam aliquid cognoscere cunctur.

23. Hac enim ratione D. Dionysius in lib. de Mystica Theologia cap. i. sic Timotheum alloquitur: Tu verò Timothee charissime int̄ensisma contuendu sp̄ecificulo Mystica exhortatione, & sensus linque, & intellectuales operationes, & sensibilia, & intelligibilia omnia, & que non sunt, & quæ sunt omnia, ut illi iungaris, qui super omnem substantiam, omnemque similitudinem, ignorat pro viribus te ipsum intende, &c. Vbi verba illa: Linque intellectuales operationes, necnon & illa super omnem scientiam ignorantia, perpendenda sunt, in quibus hec operationum intellectuallum carentia rigorosius, quam in locutionibus Venerabilis nostri LO ANNIS stabilitur, quod etiam in eodem c. i. circa finem idem D. Dionysius repetit, sic inquiens: Tum verò ipsa quoque visibilia, atque intellectuallia contemplator linquuntur, ingreditur ignorantia. Mysticam projecto caliginem, in qua omnia scientia, & cognitionis praedita terminans, totus in ea sit, qui tactum penitus, visumque refugit, transcenditque omnia, penitus autem ignoto scientia omnis, & cognitionis vacatione, præstantiori modo coniunctus, & quoque ipso, quod nihil cognoscit, supra sensum mentemque cognoscens, &c. Quibus etiam locutionibus vitetur c. 7. de diuinis nominibus, sic Theologiam Mysticam detinatur. Est igitur augustiniana Dei scientia, qua per ignorantiam scitur in coniunctione illa, qua sapientia sensum, quando mens omnia entia transiliens, & se ipsam demum linquens, coniuncta facit eidem radis inde, atque illuc inscrutabili sapientie profundo illustrata &c.

24. Ecce qualiter s̄epe D. Dionysius ignorantem, carentiam cognitionis & scientie, derelictionem omnium intelligibiliū, in hac sublimi contemplatione statuit, non quidē, quia omnem actum cognoscitum ab intellectu elicitum excludere voluerit, sed in sensu iam dicto, quia scilicet tunc cognoscitur per remotionem, quid Deus non sit, nequaquam autem affirmatur, quid positivè sit, qui cognoscendi modus potius ignorantia, cognitionisque defectus, quam cognitionis meritò appellatur.

Vnde iuxta hunc sensum interpretatur Diuus Thomas, D. Dionysium supra cit. cap. 7. de diuinis nominibus sic inquiens: Rursus autem est alia perfectissima Diuus genit.

per remotionem, scilicet quod cognoscimus Deum per ignorantiam, per quandam vniuersitatem ad diuinam, supra naturam mentis, quando scilicet mens nostra recedens ab omnibus alijs, & postea etiam dimittens se ipsam vnitur supersplendentibus radibz Deitatis, in quantum scilicet cognoscit Deum esse non solum supra omnia, que sunt infra ipsam, sed etiam supra ipsam, & supra omnia, que ab ipsa comprehenduntur. &c.

In quo etiam sensu adducta verba Dionysij ex fine capituli primi de Mystica Theologia explicat Ambrosius Florentinus Abbas, Generalis ordinis Camaldulita inquiens: Tunc quando contemplator ad Mysticam Dei cognitionem adspirat creaturarum omnium, tum corporearum, tum incorporearum imagines relinques, secretam quandam in nebula abdit se, ubi mira est ignoratio: ibi enim amittit omnia scientia, cognitionisque administrula, hoc est, simulacra, quibus homini nescitur cognitio, iamque omni obstaculo expeditus totu voluntatem, siue affectum sit, hoc est, transformatur in eum, qui tangi, viderique nequit a viatoriis, & quis cum sit Dominus vniuersorum, nec se ipso altior esse queat, nullus est, nec sui quidem ipsius: modus autem transformationis hic est, ut Deo penitus per assertiones ignoto, scientia omnis, & cognitionis assertoria vacatione, praestantiori modo, id est, per ablationem, seu negationem cognoscens, affectu intimo coniungatur, & eo ipso, quod nihil assertendo, sed omnes expositiones auferendo, cognoscit altius multo Deum supra sensum mentemque, hoc est, mentis conceptum assertuum cognoscit. &c.

In quo etiam sensu interpretatus est Sanctum Dionysium Dionysius Carthusianus in commentarij capite 1. Mysticæ Theologie, & alibi sacerdoti, quod etiam optimè explicuit Suarez tom. 2. de Religion. lib. 2. de oratione cap. 12. numer. 20. ibi: Quocirca ignoratio Dei de qua loquitur Dionys. non est ignorancia priuationis, aut prava dispositionis sic enim ignoratio Dei summa est imperfectio, per ignorantiam ergo intelligit quandam Dei cognitionem, per quam potius cognoscitur, quid Deus non sit, quam quid sit, & id est ignoratio esse dicitur. &c.

Quod confirmari potest ex illa revelatione facta Sanctæ Matri nostræ THE-RESIÆ, ut ipsa refert in lib. suæ vitæ cap. 10. cum enim illa scire desideraret, quid in Mysticæ vniione intellectus operaretur, respondit ei Dominus, ut ipsa refert dicto capite lux vita: Cum nequeat comprehendere hoc quod intelligit, est non intelligendo intelligere, &c. Hac ergo ratione optimo iure Mysticus noster Doctor, aliquæ Sancti Patres prædictis locutionibus supra in hac propositione relatis, quæ in hoc sensu verissimæ sunt, vñ fuere, de quo videri potest noster Thomas à Iesu lib. 5. de diuina contemplatione cap. 13. & hanc explicationem ipsemet Venerabilis noster IOANNES adhibuit lib. 3. Ascens. Mont. Carmeli capite 1. ibi: Cum autem verum sit, (ut est verissimum) debere animam potius cognoscere Deum per id, quod non est, quam per id quod est; ut ad illum pergere possit; nec sarium omnino est nullo admittere modo, sed abnegare quidquid ex omnibus suis apprehensionibus, siue naturalibus, siue supernaturalibus abnegari potest. Quam ob causam idem nunc cum memoria faciemus, ex propriis naturalibus limitibus eam educendo, & supra seipsum (hoc est) super omnem distinctam notitiam possessionemque apprehensibilem, ad sublimem (item incomprehensibilem) Dei, illam subleuando &c.

Propter has ergo rationes, quarum qualibet, & multo magis omnes illæ simul sumptu, de se sufficientissimæ sunt, meritò Mysticus noster Doctor prædictis locutionibus, quæ in hac propositione referuntur, vñ fuit, communem Sanctorum

B.  
Johannis  
a Cruce

Opera  
mystica

N.V.T.

124

115

ELVCIDATIO THEOLOGICA

Patrum Doctorumque Mysticorum usum sequens, qui prædictis etiam locutionibus, imo & strictioribus, ac difficilioribus frequenter vñ fuere, vt ex eorumdem Doctorum testimonij, quæ iam subiungimus, manifestè constabit.

§. III.

Plura Sanctorum Patrum, & illustrium Doctorum testimonia, in quibus eadem doctrina, & locutio continetur referuntur.

28. In primis igitur his locutionibus usus fuit Mysticæ Theologiae princeps D. Dionysius supra num. 23. citatis ex cap. 1. de Myistica Theologia, & ex cap. 7. de diuinis nominibus, quas locutiones ceteri Doctores Mysticæ approbantes ab eodem delemplerunt, vnde D. Bonaventura de itineribus æternitatis itiner. 5. dist. 6. sic inquit: Cessavit gloria caligine ab operatione cognitionis intellectus dicitur inoculatus à priuatione omnia actu resina, &c. Quo etiam loquendi modo usus fuit de Myistica Theologia part. 4. & deluminaribus Ecclesiæ serm. 2. de ingressu ad sapientiam. Consonat Dionysius Carthus. de Theologia Myistica cap. 2. ibi: Non sufficit ista relinquere, nisi relinquantur omnia intelligentia, operationesque proprie. Consentit Hugo Victor. lib. 2. de anima cap. 20. ibi: Omnis anterior viu anima proprio viduatur officio, & Ricardus lib. 4. de contemplatione cap. 22. ibi: In medio nebula Moyses ingreditur, quando humana mēs ab illa diuini lumen immensitate absorpta summa sui obliuione sopitur. Eodem modo loquitur R. Rusbroch. lib. 2. de ornat. spirituum nuptriarum cap. 71. ibi: Vbi vero Deo occurrimus, tam ingens & immensa illius claritas, & astus est, ut spiritus omnes sua actione destituantur, &c. Et infra subiungit: Cuncta viria nostra actione vacant, &c. Et cap. 73. subdit: In nihil autem ab actione omni deficit.

29. Nec minus strictè locutus fuit Ioannes Taulerus cap. 12. institut. sic inquit: In planè spiritus pro lumine absque luce, pro cognitione, absque cognitione, & pro amore, absque dilectione efficitur, &c. Et paulò inferius subiungit: Hic iam internam quoddam, mutumque glorium sit, nec ullum hic verbum eloqui licet, sed nec intus, nec foris quidquam hic operari permittitur, sed ipse spiritus patitur dulcem quandam insensibilem, & ineffabilem passionem, insuper mirabile miraculo lucidissime superflendentis ab ypsissim Deo operatio.

Consonat Blestius cap. 12. de spiritualis institutionis, ibi: Hinc præcognitione facta fructuognitione in solo amabili modo simplici, & ignoto Deo quiescit lux quippe diuina propter nimiam claritatem inaccessibilis est, vnde, & caligo appellatur. Accedit etiam Bartholomæus à Martyribus supra relatus, ibi: Non humana, sed diuina dam taxat est operatio. cypriana

30. Vnde locutionem hanc, constituentem otium, quietem, & potentiarum suspensionem in contemplatione, præter Doctores, & Santos Patres recensitos habent D. Augustinus. sermone 27. de verb. Domini, & lib. 19. de Civitate Dei capit. 2. & 19. D. Thomas 2. 2. quæst. 179. artic. 2. D. Bernardus sermon. 46. in Cant. citatus D. Bonaventura itinere 5. æternit. dist. 6. Gilbertus Abbas serm. 1. in Cant. R. Rosignolius de

ciplina Christianæ perfectionis lib. 5. cap. 11. Alvarez de Paz tom. 1. de vita spirituali lib. 2. part. 5. cap. 41. & lib. 4. part. 2. cap. 23. noster Ioannes à L e s v Maria de Mystica Theologia cap. 6. & plutes alij.

Sed optimè, ut solet locutione hac vfa fuit, eamque explicuit Sancta Mater nostra THERESIA cap. 18. suæ vitæ referens revelationem illam sibi à Deo circa hoc factam, in qua tale à Deo accipit responsum. Et quia que intelligit nequit comprehendere, hinc perinde est, atque si intelligendo non intelligeret, statimque ipsa subiungit: Hic omnes potentie deficiunt, & taliter suspenduntur, ut nullo modo percipi posse, sicut dictum est, illas operari. Si alicuius mysterij meditatione tam occupabatur, ita mox ipsum de memoria elabitur, ac si nunquam eius meminisset aut de eo cogitasset. Si in libro legat, mox lectorum non recordatur, aut quoisque peruererat, idē quoq; in oratione vocali vsu venit. Adeo ut importuni huic papilionis (memoria iniquā) ala big adorantur. & seipsa iam monere amplius non possit. Voluntas quidē amando maxime occupetur operis, sed tamen, quomodo amet, non intelligit. Intellexus deniq; si quid intelligat, nō intelligit, quomodo intelligat, saliē nihil eorū que intelligit potest cōprehendere: equidē non pato ipsum quidquam intelligere, nam sicut iā dixi, hoc non intelligitur. & quomodo id fiat, plane ego intelligere non valeo. Et c. 10. eiūdē libri sic inquit: intellectus (quāmū mihi videtur) non discurrit, non tamen amittitur: sed ut dico non operatur. Et cap. 12. Et admirandi & in quo se interim occupet materiam dat; & effici, ut etiam sine mensis discursu breviissimo tempore plus intelligat, quam nos omni nostra diligentia plurimi annis possemus comprehendere. Et cap. 23. suæ vitæ ait, quod in illa oratione, quam ipsa vocat quietis: nihil cogitabam, nec cogitare quid poteram. Quā doctrinam repetit cap. 17. 18. & 26. suæ vitæ, & Mansione quinta cap. 1. & in lib. viæ perfectionis cap. 30. & alijs in locis relatis à Magistro Luisio Legionensi in apologia sapra citata.

## §. IV.

*Ex Theologorum doctrina, & locutione amplius eadem locutio confirmatur.*

**S**ed, ut plura alia testimonia, in quibus eadem continetur locutio, omitramus, sufficiat pro huius locutionis evidenti approbatione, quod prædicta contemplatio communiter à Sanctis Patribus otium appellatur, immo & Philos. 10. ethicorum naturalem contemplationem, quæ longè inferior est, vacationē appellavit, non quia in illa detur cessatio ab operatione, sed quia huiusmodi operatio, propter rationes supra adductas, prædicta nomina, sicuti, & nomen quietis, & alia similia promeretur. Quæ omnia coniunxit D. Tho. in 3. dist. 35. q. 1. ar. 2. quæstiunc. 1. vbi in secundo argumento sic habet. *Vita contemplativa à sanctis otium dicitur, & Philosophus etiam 11. ethicorum dicit ipsam vacationem, sed voluntas est vis motiva, cum ergo motus otio, & vacationi repugnet, videtur, quod vita contemplativa non consistat in actu affectu, sed solum in actu cognitu.*

Cui arguendo sic responderet: Ad secundum dicendum, quod voluntas non solum est motus, quantum ad exteriores motus, qui vacationi repugnant, sed etiam motuum interiorum etiam ipius intellectus, qui quidem motus equinoce dicuntur, ut patet in tertio de anima sunt enim actus perfecti, & ideo magis assimilantur quieti, quam motui. Et c. Ecce qualiter huiusmodi locutio non solū apud Mysticos, sed etiā apud Scholasticos, & Philosophos

B.  
Johannis  
a Cruce

Opera  
mystica

MVII

124

124

ELVCIDATIO THEOLOGICA

communis sit, quæ confirmatur ex illo Psalm. 45. *Vacate, & videte quoniam factus est Dominus.* Vbi vacatio, seu otium simul cum visione constituitur, ad denotandum huiusmodi otium, seu vacationem non excludere actus à potentijis elicitos, sed eorum modo quodam superiori, & valde quieto secum afferre, iuxta quem etiam sensum referens D. Stephanus sublimen illam Moysi visionem de tubo ardenti dixit, *Trematus Moses non audebat considerare. Actorum 7.n.32. quamuis reuera actus sublimis contemplationis tunc Moyses exercebat.*

33.

Id ipsum optimè confirmatur ex eo, quod docent Theologi cum D. Thom. 1.1. quæst. 111. artic. 2. scilicet, *Gratiam operantem esse illam, quam Deus in nobis sine nobis operatur, seu quæ datur ad effectum, in quo mens nostra est mota, & non mouens. Quæ tamen doctrina nullatenus excludit, quod mens nostra eliciat illos actus, respectu quorum dicitur gratia operans: cum enim sint actus vitales, non possunt non à potentijis vitalibus elicitiū procedere, haec tamen verificatur praedicta locutio, quatenus prædicti actus, ut excent à gratia operante, non eliciuntur liberè ab ipsis potentijis, atque ad eum in hoc sensu dicitur mens nostra non se mouere ad illos. Simili ergo modo, tum phrasim *Mysticam*, quamvis in sublimi hac contemplatione reperiantur actus eliciti à potentijis vitalibus, tamen meritò dicitur, tunc ipsis potentias non se mouere ad illos, quatenus, et si elicitiū, & liberè eos producant, non tamen mouent sed illos modo proprio, seu ex propria industria, nec cum inquisitione, vel labore, ne per modum motus, sed per modum quietis propter ea, quæ iam explicavimus.*

S. V.

*Alia locutio contemplationem potius in passione, quam in actione constituens testimonij Sanctorum Patrum, & illustrium Doctorum comprehensio-*

batur.

34.

**E**t ex hoc à fortiori comprobata, & explicata manet locutio illa apud eosdem Patres, & Doctores Mysticos valde communis, quod scilicet illa sublimis contemplatio potius se habet per modum passionis, quā per modum actionis, seu quod tunc mens potius se habet passiuē, quam actiuē, quamvis re vera operationes vitales, & liberas, atque adeò actiuē ab illa procedentes elicierat; eo quod respectu taliorum actionum speciali modo à Deo mouetur, & excitatur, eiisque ductum, non autem propriam industriam, & excitationem sequitur, iuxta quem etiam sensum D. Dionysii cap. 2. de diuin. nomin. §. 4. de diuino Hierotheo dicere solebat, quod erat patiens diuina: quem modum loquendi ibidem sequitur D. Thomas, necnon, & Theodor. Actor. 1. super illud, *Factum est in mentis excessu.* Rusbruchi lib. de ornato spiritualem nuptiarum cap. 71. ubi de hac contemplatione loquens ait: *Quod in ea diuinam operationem tanquam mera creatura pariantur oportet, & inferius, Operatio diuina horis omnibus non mouens, virgines, incitans, introrsum trahens, &c.* Qua etiam phrasim vsus fuit D. Paulus ad Rom. 8. dicens *Quicumque spiritu Dei aguntur, hi sunt filii Dei.* Ecce qualiter Filios Dei agi spiritu Dei (quod passionem denotat) non autem semetipso agere, docet, quamvis re vera eliant operationes, ad quas ex spiritu Dei mouentur.

Quod

Quod optimè explicuit D.Tho.super hunc Pauli locum lect.13. inquiens: *Homo autem spirituālū non tantum insfructur à spiritu sancto, quid agere debet, sed etiam cor eius à Spiritu sancto mouetur, ideo plus intelligendum est in hoc, quod dicitur: Quidcumque spiritu Dei aguntur. illa enim agi dicuntur, que quadam superiori instinctu mouentur. Vnde de brutis dicimus, quod non agunt, sed aguntur, quia à natura mouentur. & non ex proprio motu, ad suas actiones agendas, similes autem homo spirituālis non ex motu proprio voluntatis principaliter, sed in instinctu spiritus sancti inclinatur ad aliquid agendum, secundum illud 1sa. 56. Cum venierit quasi fluvius violentus, quem spiritus Dei cogit. Et Luca 4. quod Iesus agebat à spiritu in deserto, non tamen per hoc excluditur, quin vires spirituales per voluntatem, & liberum arbitrium operentur, quia ipsum motum voluntatis, & liberi arbitrij spir. sanctus in eis causat, secundum illud ad Phil. 2. Deus est qui operatur in vobis velle, & perficere, &c. Hucusque Doctor Angelicus.*

Curus rei philosophicam rationem assignauit idem D.Tho. quæst. vñica de vñione Verbi artic. 6. ibi. Considerandum tamen, quod si virtus, quæst. actionis principium ab alia superiori virtute moueat, operatio ab ipsa procedens non solum est actio, sed etiam passio, in quantum scilicet procedit à virtute, qua à superiori mouetur:

Confonat D. Prosperus lib. sententiarum Augustini num. 30. ibi. Plus est procul dubio agi, quam regi, qui enim regitur aliquid agit, ideo regitur, vt recte agat, qui autem agitur, agere ipse aliquid rix in eligit, & tantum præstat voluntatibus nostris gratia Salvatoris, vt non dubitet apostolus dicere, quod quod spiritu Dei aguntur, hi filii Dei sunt; nec aliquid in nobis libera voluntas melius agere potest, quam vt illi se commendet, qui male agere non possunt, &c. Super quem etiam Apostoli locum sic ad propositum nostrum loquitur Caietan. Cū audū: Spiritu Dei agantur, caue ne furem intelligas, ne velut amentes agi homines spiritu Dei intelligas, sed obediētiam tam, ac tantam spiritus nostri exhiberi spiritui sancto habitanti in viris perfectis, vt parendo agantur obsequientissimi à spiritu sancto habitante in eis, agitur autem non solum iniuitus, aut ne- scius, sed etiam promptius obsequens, &c.

Quod etiam ibi explicuit Toletus sic inquiens. Agi spiritu Dei est opera facere secundum spiritum, quorum motor, & autor primus est spiritus Dei inhabitanter in iustis per gratiam, virtutes, & dona &c. Vnde merito Beda ibi sic differit: Dicit mihi quis, ergo agimur non agimus, respondeo, imò, & agis, & ageris, & tunc bene agis, si à bono ageris spiritus enim Dei, qui te agit, agenti adiutor est tibi. Quæ verba désumpsit ex D. Augustino lerm. 3. de verbis Apostoli, & Benedictus lustinianus super eundem locum sic inquit: Dicimus igitur, atque agimur, sed nobis consentientibus, & libere diuina motioni respondentibus; ita camen maluit loqui Apostolus, vt vim atque efficaciam diuina gratia ostenderet. Tandem D. August. lib. de corre & & gratia cap. 2. sic ait: Intelligent si Filii Dei sunt, se spiritu Dei agi, vt quod agendum est, agant, & cum egerint, illi à quo aguntur gratias agant, aguntur enim, vt agant, non vt ipsi nihil agant.

Nec huius locutionis oblita fuit Sancta Mater nostra THERESIA, eam namque habet cap. 17. suæ virtù ibi. Illic orationis modus iam vicumque sufficienter expositus est, nec non quid animam, qua cum habet, facere oporteat, aut potius, quid Deus in ea faciat; ipse enim est, qui bortulanus partes iam subit, illam autem vult requiri & latari; ita vt voluntas in gratias illas, quibus fruitur, dum taxat consentiat, seque resignare debeat ad omnia, quæcumque vera sapientia in ipsa operari volet &c. Id ipsumque docet in omnibus locis supra num. 31. citatis, in quibus potentiarum suspensionem, cessationem, otiumque, & quietem in hac contemplatione constituit.

39.

Vnde huncloquendi modum , passionem potius quam actionem in hac sublimi contemplatione statuentem approbant, & sequuntur, præter recentes Partes, & Doctores, plures alij , vt sèpè relatus Antistes Bartholomæus à Martyribus 2. pme compendij cap.11. patum ante §. 1. sic inquiens: Non humana, sed diuina dumtaxat operatio, ibi enim Deus ipse est agens, homo verò patiens, & §. 2. ibi. Et quamus hec seruens dicitur obciatur à voluntate, dicitur tamen passiva, quia ad illam non excitat voluntas seipsum velat ad primam, sed immediate excitatur à Deo, &c. Noster Thomas à IESV lib. 5. de contemplatione cap.13. noster Ioannes à IESV Maria de Mystica Theologia in principio num. 4. Venerabilis Pater Balthasar Aluarez , relatus à Patre Ludouico de la Puente in eius vita cap.13. & 41. Suarez lib. de oratione cap.12. numer.18. & cap.19. numer.7. noster Didacus à IESV in annotationibus ad libros Mysticorum Doctoris discursu secundo, phrasí secunda, Molina Cartthusianus in titulo de oratione capite septimo, §. primo, Pater Basilius Legionensis in Defensorio sèpè citato, propositione tertia, & plures alij.

## §. VI.

*Locutio silentium contemplationi tribuens , testimonijs Sac. Scriptura , & Patrum stabilitur.*

40.

**E**x dictis satis etiam, & à fortiori comprobata manet illa locutio, in qua huiusmodi contemplatio silentium appellatur , non quidem quia mens in illa nullum actum exerceat (in hoc enim sensu, tunc etiam internè loquitur ) sed quia prædictum actum non exerceat modo proprio, neque ex propria industria , & inquisitione aitq; adeò quoad sibi propria silet , solumque exerceat actum modo quodam superiori & ex speciali motione diuina, absque reflexione propria , per quem actum diuinæ veritati loquenti attendit, ac propterea potius auditio , quam locutio appellatur, vide hoc nomen silentij contemplationi tribuit D. Dionysius de Mystica Theologia cap. 1, statim in principio & D. Thomas super illa verba Apocalypsis 8. *Festum tñ silentio in Celo quasi dimidia hora.* Super quæ verba idem docet Diu. Gregorius lib. 3. Moral. cap.29. in fine, & lib.5. cap.26. & lib.30. cap.12. & super Ezech. homil. 14. circa illa verba Ezechie 40. *Et in manu viri calamus mensura sex cubitorum, & palmo.* Idem que docent D. Bernardus serm. 52. in Cant. & serm. 13. ad fororem, & sermone de 7. spiritibus Augustinus in Psalm. 94. & epist. 119. D. Basilius serm. de Nativitate Domini, Ambros. lib. 1. de fide ad Gratianum, Sancta Mater nostra THERESIA in lib. qui insenbitur, *Conceptus amoris Dei,* super Cant. cap. 5. & 6. Diu. Joannes Climacus gradus. Hugo 1.2. de anima c. 20. & de claustrō animæ l. 4. c. 36. super citata verba Apoc. Albertus Mag. de adhærendo Deo cap. 20. Bartholomæus à Martyr. 2. par. compend. c. 11. ibi: *Festinet qd; ad Sancta Sanctorum, & ad internum illud silentium, in quo non humana, sed diuina dumtaxat est operatio, ibi enim Deus ipse est agens, homo verò patiens.* P. Balthas. Aluarez relatus à Ludou. de la Puente in eius vita c. 13. P. Thom. de Villanueva in Cant. supra illa

illa verba: *Capite nobis vulpes parvulas*. Noster Hieronymus à Matre Dei in annotationibus ad cap. illud 6. modò citatum Sanctæ Marris nostræ THERESIAE, noster Didacus à IESV vbi supra, & communiter S. Patres, ac Doctores Mystici.

Quæ etiam locutio non parum fundamentum habet in Scriptura Sacra: 41.  
etenim Psalm. 36. vbi vulgata nostra habet: *Subditus es Domino, & ora sum, est in Hebreo, tace domino, & expecta eum*. Vbi id, quod per verbum tacendi significatur, nequaquam repugnat a Etui orandi, imò utrumque coniungitur, quia taciturnitas illa, seu silentium in sensu supra explicato sunitur, quod adhuc clarius exprimitur Eccles. 32. vbi dicitur: *Audi tacens: & pro reverentia accedes tibi bona gratia*. Et in codem sensu dicebat Samuel ad Deum. *Locutus Domine, quia audit seruus tuus*. i. Reg. 3. num. 10. quæ locū ad hoc propositū bene explicuit Mysticus N.D. 3. Ascen. Mont. Carm. c. 2.

§. VII.

### *Nomen somni, & mortis Scriptura, & Patrum testimonij confirmatur.*

IMO non solum silentium, sed etiam somnium appellatur à Patribus, & Doctoribus Mysticis huiusmodi contemplatio, ut siceius quies magis denotetur, quam locutionem ex ipsam Scriptura Sacra deproprietatim Mysticus noster Doctor cap. 14. Ascen. Mont. Carmel explicans illud Cant. 5. num. 2. *Ego dormio, & cor meum vigilat*. His verbis: *Quamvis enim potentiarum Anima harmonia & concentus esset, ipsis tamen intelligentia ad eum se modum habet, sicuti exposuimus: & idcirco sapiens sponsus tacita sua hac de re obiecione respondit dicens: Quamvis dormiam ego secundum id quod naturaliter mihi competit ab operatione desistendo, meum tamen cor vigilat supernaturaliter ad notitiam supernaturalem eleuatum &c.*

Quæ etiam locutio somni habet in eodem Canticor. lib. cap. 3. nu. 5. vbi sponsus cernens animam sibi dilectam in hac quieta contemplatione positam, ac veluti dormientem sic loquitur: *Adiuro vos filiae Hierusalem per capreas ceruosque camporum ne suscitetis, nec euigilare faciat istam donec ipsa velit*. Quem locum ad hoc propositum optimè explicat Mysticus noster Doctor in lib. qui inscribitur, *Flamma Amoris viua*, Cant. 3. verl. 3. §. 11. his verbis: *Quanti Dei faciat tranquillitatem istam, vel consipationem seu annihilationem sensus, optime ex illa tam notabili efficacique adiuratione, quam fecit in Canticis apparet, dum ait: Adiuro vos filiae Hierusalem per capreas ceruosque camporum, ne suscitetis neque euigilare faciat istam donec ipsa velit*. Quibus verbis significavit quantum obdormitionem solitariamque obliuionem amet, quandoquidem solitaria hac, & recessu dedita animalia interponit &c.

Ex quo statim inferit, quam reprehensione digni sint illi, qui animam in hoc somno contemplationis relinquere nolunt, quasi in illo inutiliter tempus consumat, & eam ad alios actus discursuos minusq; perfecto excitant. Vnde cōtra hos spirituales Magistros sic subiungit. *At spirituales isti Magistri nolunt quiescere animam; sed laborare semper, taliterque operari, ut non praebeat locum operationi diuina*. Et post pauca iterum addit. *Verum fortassis homines isti bono ducti celo in errorem labuntur, eo quod eorum scientia non se amplius extendat, non tamen propterea excusat* sunt dum consilia temeraria dant, non intellecta prius via spiritu quo anima duicitur: *quod si illius notitiam non habent, cur rudem suam manum rei quam*

B.  
Johannis  
a Cruce

Opera  
mystica  
129

128

ELVCIDATIO THEOLOGICA

quam ignorant, adhibere non verentur, nec tales animas ad eos, qui melius eas intelligent, & elegant, transmittant? Nec enim exigui res est oneri & culpe in causa esse, ut inseparabilium bonorum iacturam faciat anima ob inepta consilia, imo & tota pessum eat &c.

44. Eundem sensum tribuit eisdem Cantorum verbis Venerabilis ille Pater Baltasar Aluarez in relatione suis superioribus facta, circa suum orationis modum, quoniam referat citatus Pat. Ludouicus de la Puente cap. 13. suæ vitæ, ubi de hac quieta contemplatione loquens sic ait, *Ista quies videtur esse somnus illus, quem Deus precipit habere animam in Cantico: Adiuro vos filia Hierusalem ne suscitetis, neque euigilare faciat is dilectus quoad usque ipsa velit. Respondebat sponsa: vox ista, dilecti mei est: talis buccula, tam secura, dulcis ab ipsis solummodo manu pronuntiare potest, &c.* Quam explicationem prius tradidit D. Bernard, serm. 52. in Cant. Anselmus, Rupertus, & D. Thom. super eundem locum, qui omnes Patres eadem somni locutione ad hoc propositum videntur.

45. Eadem somni locutione vicitur San. Mat. nostra THERESIA cap. 19. suæ vita principio, & cap. 5. & 6. libri, *Conceptus amoris Divini &c.* in Cant. & in annotationibus ad illud cap. 6. noster Hieronymus à Matre Dei. Præterea Ricardus in Psalm. 4. presque alij Doctores, quæ etiam locutio fundamentum habet in eo, quod dicitur Gen. 2. *Misit Deus soporem in Adam, ubi alij legunt, Misit Deus extasim in Adam, intelligentes per illum soporem, seu somnum, sublimem quandam contemplationem, sicut nam interpretantur illum locum D. Ambrosius lib. 2. de Iacob. D. Gregorius lib. 4. moral. cap. 30. Chrysostomus homil. 15. in Genes. Isidorus lib. 7. ethimologiarum cap. 8. & alij expositores, quibus quoad prædictam locutionem consentunt B. Thomas de Villanueva in Cant. fol. 123, pag. 1. col. 1. relatus à Magist. Basilio Legionensi in Defensorio citato, propositione sexta, & Suarez lib. secundo de oratione cap. 12. num. 4.*

46. Imo D. Bernardus serm. 55. in Cant. non solum nomen somni huic contemplationi tribuit, sed etiam nomen mortis, quo etiam loquendi modo usus fuit D. Gregorius lib. 6. moral. cap. 17. Sancta Mater nostra THERESIA cit. cap. 6. in Cant. & ex Dno Dionysio idem assertit Diuus Bonavent. itiner. mentis in Deum, cap. 7.

§. VIII.

*Annihilationis nomen, & locutio ex Sacra Scriptura,  
& Sanctis Patribus confirmatur.*

47. **T**ANDEM propter easdem rationes nomine annihilationis ad ipsum explicatum frequenter utuntur sancti Patres, & Doctores Mystici, non quidem quia existimat animam suum esse naturale amittere, & quoad illud in nihilum redigere, sed quia suum naturalem, & ex propria inquisitione operandi modum amittit, ut in Deum per amorem transformetur, modumque validè superiore, & diuinum operandi habeat, ad eum modum quo de semetipso dicebat Paulus, *Vivo ego, iam non ego, sed verò in me Christus.*

Accedit etiam, alia ratio defumpta ex eo, quod dum anima in contemplatione, illud quod

quod ex se habet in conspectu diuinæ maiestatis cognoscit, ac semetipsam Deo comparat, statim se tanquam nihilum ante Deum separat, iuxta illud: Omnes gentes, quasi non sint, sic sunt coram eo, & quasi nihilum, & inane reputata sunt ei, Isai. 40. n. 17. suamque vilitatem cognoscens, ita se Deo submitit, ac semetipsam humiliat, ut se annihilare videatur, iuxta illud Pauli ad Philip. 2. Semetipsum examinavit formam serui accipiens.

luxta hos ergo sensus verissimus est hæc locutio, qua frequenter vtuntur S. Patres, 48.  
vt Nazianzen. orat. 17. Tertul. lib. 3. contra Marcionem, Bernard. ser. 71. in Cant. Russbrochius de vera contempl. c. 64. S. Vicentius Ferrer in libello de vita spirituali, vbi inter duodecim res, quas pro vita spirituali assequenda assignat, quarto loco numerat sui ipsius annihilationem, Dionys. Carthus. de fonte lucis, art. 17. vbi ad hoc propositum explicat illud Ps. 72. n. 22. Ad nihilum reditus sum, & nesciui. Hencius Arphius li. 3. Mysticæ Theologie par. 3. c. 23. Rosignolius 1. 5. disciplinae Christianæ perfectionis c. 24. Aluarez de Paz. 10. 2. de vita spirituali 1. 4. de effectibus humilitatis p. 4. c. 6. in fine, noster Didacus à Iesu v loco sèpè citato, discursu 1. pluresque alij Doctores.

## §. IX.

*Conclusio totius capituli.*

**E**x quibus omnibus satis superq; constat sensum harum locutionum, prout à My-  
stico N. Doctore, alijs qq; Sanctis PP. Doctribusq; Catholicis iam citatis haben-  
tur, esse longè diuersum ab eo, quem in similibus locutionibus intèdunt hæretici, qui  
Illuminati dicuntur, imò & illis contrarium, ut manifestè constabit conferendo has  
locutiones, iuxta earundē sensum à prædictis Doctribus intentum, & à nobis decla-  
ratum, cum similibus locutionibus, iuxta sensum prædictorum Illuminatorum, quem  
supra in 1. parte, huius Elucidationis cap. 8. ex Russbrochio, & alijs proposuimus,  
quem etiam erroneum sensum Illuminati huius tractis sequuntur.

Vnde ad iudicandum de his locutionibus, nequaquam ad exterrnum dumtaxat ea  
rum sonum attendendum est, nec ex eo, quod aliquibus ex his vocibus, v.g. otij, quietis, annihilationis &c. prædicti hæretici ad suos explicandos errores abutantur, statim  
huiusmodi locutiones tanquam suspectæ, vel errore rei ciendæ, ac damnandæ sunt  
in alijs Doctribus Catholicis, in quibus ex ipsorum eorum contextu, & declaratio-  
ne antecedentibusque, & subsequentib, constat longè diuersum, imò & contrarium  
sensum habere, siquidem multoties contingere solet, ut eadem locutio quoad exterr-  
num sonum, quæ ab hæreticis frequenter usurpatur, in Doctribus Catholicis, imò  
& in ipsam Scripturam S. habeatur, propter diuersam tamen contextus seriem Catho-  
licum, & verillimum sensum obtineat, ut supra 1. parte Elucidationis cap. 3. per to-  
tum, & cap. 9. à num. 10. fusa ostendimus.

Vnde cum evidenter ostensum sit prædictas locutiones apud Mysticum nostrum  
Doctorem esse omnino liberas ab errore hæreticorum sensu, imò illis aduersari, e-  
undemque obtinere sensum, quem apud Ecclesiæ Patres, & Doctores Catholicos  
obtinet, nulla ratione possunt in illo damnari, vel tanquam suspectæ haberi, nisi eo-  
dem prorsus modo apud Sanctos Ecclesiæ Patres reliquosque Doctores Catholicos  
damnentur, vel suspecta habeantur, quæ tamen suspicio de tot Ecclesiæ Patribus pro-  
culdubio impia esset.